

K-VI-6

Generosa Domine

I

Generosa Domine Lukashkevich

Anna M.

GENUS

Opuscula in huius Miscellaneis sub M^o

contenta sunt.

1. Carmen gratulatorium in laudem Ing. Adol. ab Alb. Deogen. Crac. 1630
2. Debitum pietatis Al. et Ex. Jac. Vitellio a Joach. Speronowicz. Crac. 1638
3. Aurora natalium Ill. ac M. D. Adam. Hieron. Sieniański. Sub. Stan. Oszdowski. Crac. 1638
4. Hellenodia virtuti, quam cum fide Ex. opera Joach. Speronowicz. Crac. 1638.
5. Elisei Aurimontani ad Dantescanos bellum et arma circumspicientes Epit. 1638.
6. Vindicta p. Cornelio Tacito a Nicol. Nowikowski. Convitiatoris, opposita Crac. 1638.
7. Arctos Sarmatica, quæ gener. Iuv. ab Alb. Samborski monstrat. Crac. 1638.
8. Nubes Hippocratis Cha. Doct. Viri Andr. Wolfowicz a Thom. Canevesi die. Crac. 1638.
9. Icon virtutis et laboris ~~inmanichingon~~ ^{inmanichingon} Ven. ac Ex. D. D. a M. Tatowicz. Crac. 1638.
10. Pietas enudita, seu oratio de nexu piet. cum erudit. Joan. Alb. Paris. Crac. 1638.
11. Tiara Episcopalis Ill. ac Ex. D. Andr. Gzicki. Ep. Luceon. a Daniel. Otrebusz. Crac. 1638.
12. Icon heroum virtutis Gen. ac Ill. Joan. Dehencki a Joan. Gynerski. Crac. 1639
13. Colofus immortalitatis Jer. ac Pol. Vlad. IV. a Bathas. Stan. Przyluski. Lublin. 1638.
14. Felix Luceonia in primo ac Solemni Andr. Zembicki. de. Balt. St. Przyluski. Lublin. 1639
15. Placatus in obitum Ill. ac Ex. D. Tede in Olyra. Quisp. a Balt. Stan. Przyluski. Var. 1637.
16. Maria na smierci niezsmiertelna J. Kozieja Jaklin. kiega. Krak. 1638 p. M. D. R.
17. Atroroma pietis ad festu nuptiale de. a Joann. Gynerski.
18. Procebus causæ in Inbq. et perfidum Marcum Fiddam, Decretum. Cr. 1636.
19. Aureus Trionis Sarmatici trionpos a Ludov. Christoph. Millerus Crac. 1638.
20. Minerva plaudens in Aula D. Jagielloni ab Adamo Nowakowski. Cr. 1638.
21. Dona Granarum Ven. D. Mar. Stan. Wolfowicz. p. Valenianu. Alnpek Cr. 1638.
22. Roza przesadzona z ziemie do nieba v. Kaz. pogr. Mikol. Lawrinowicz. A. Kr. 1638.
23. Metamorphosis Apollinis et nove. Musat a Joann. Nicol. Gzicki. Crac. 1637
24. Urag. civis Ill. D. Stan. Lubomirski. de Joachim. Speronowicz. Crac. 1638.
25. Stephanon Studii Philozophici Ado. D. Sub. Stan. Oszdowski. Crac. 1638.
26. Paterna felicitas cl. ac doct. Viri andr. Wolfowicz a Joann. Grynwaldt. Crac. 1638.
27. Gratulatio Ill. ac Ex. D. D. Stan. Grochowicki. Antip. deop. a Mathia Gzicki. Cr. 1635.
28. Lechnopadeia seu in uerna renas. Aud. acad. Oratio a Steph. Mirzaycki. Cr. 1638.
29. Gratia nuptiales cl. et Ex. D. Stan. Spinek. de. a Joann. Gynerski. Trebinicki.
30. In occursum Jer. Pol. Inrich. Pann. Vlad. W. de. Acad. Samoyde. volum. 1634. Petrus
31. Joppes volum. p. felici et exopt. in eadem. Adami Opatorii a Joach. Speronowicz. Cr. 1638.

Autores

1. Alnpek Valen. an. 21.
2. Animentang Elideg. 8.
1. Anonymi. 16, 18.
- Canevesi Thomas 2.
- Gynerski Joann. 17, 17, 19.
- Deogen. Albert. 1.
- Tatowicz Nicol. 9.
2. Gzicki Mathias 27.
1. Gzicki Nicol. 23.
- Grynwaldt. Joann. 26.
- Lawrinowicz Mikolay Franci. 12.
12. Stan. 22.

- Millerus Lud. Christoph. 19.
- Mirzaycki. Steph. 28.
- Nowakowski. Adam. 20.
- Oszdowski. Stanislaus 25.
- Otrebusz Daniel 11.
- Paris Joann. Albert. 10.
- Przyluski Bathas. Stan. 13, 14, 15.
- Samborski. Albert. 7.
- Nowikowski. Nicol. 6.
- Speronowicz Joachim. 2, 4, 24, 21.
- Trebinicki. Petrus. 30.

29

(17)

ACROAMA
PIETATIS

Ad Festum Nuptiale,

Illustrissimi Principis ac

Domini, Domini,

ALBERTI STANISLAI
RADZIWIŁ

S. Rom: Imp: Principis,

Ducis in Olica, & NIESWIEZ,
Magni Ducatus Lithuaniae,
CANCELLARIJ,

Pinscen: Mæuen: Caunen: Tucholiens:
Velonen. &c. &c.

CAPITANEI,

ε τ

Lectissimæ Virginis

CHRISTINÆ
LVBOMIERSCIÆ

Illustrissimi Domini,

D. STANISLAI
LVBOMIERSKI,

Comitis in Wisnicz,

PALATINI & GENERALIS CRACOV.

Zatorien: Scepusien: Dobcien: Bia-
locerkieuien. &c; &c.

CAPITANEI,

FILIÆ Charissimæ,

M. IOANNE CYNERSKI Rachta-
mouio, Coll. Min. Ord: Eloquen. Profess.
auspicatiff: gratulationis ergo

D. D. C. ☞



Insonuere tubæ, rēboat clangor ille æther,
 Conscia Connubij, Fama perennat opus.
 Ales quæ summi gestabat terga Tonantis.
 Virginis in thalamum deuolat ingenue.
 O pullos utinam, ad Sreniaue flumina Solis,
 Opponat radijs, progeniemq; ferat.
 Ioannes Carolus Kopeć, Castell: Nowogroden: Stud: Eloquen:



Nympha triumphatrix patrio de flumine surgit,
 Vt dulci reparet fœdere Connubium.
 Quod Fauni Dryadesq; probant, facilesq; Napææ,
 Vandalus hoc deinceps omen ab ore refert,
 Nympha caput tandem fluuiialibus erige ab alueis,
 Qui Ioue dignus erat, te vocat ales! abis?

Basilius Kopeć Marsalci Liden:

F. Eloquent. Stud:

A


Omen

O M E N
FESTI NUPTIALIS,
QVOD

In diem Dominicam SS. Triadis incidit.

Haecenus igniuomos vibrabat Iuppiter æstus,
Nec sitiens pluuijs aura rigabat agros.
Sed Sreniaua parens mitissimus imbuat imber
Mane inquit, Sponso dum mea Nympha datur,
Ne tamen inficiat festum nimbosus Orion,
Mane pluat, totus sit fine nube dies.
Inde cadit matutinis gratissimus horis
Imber: dat placidam Phæbus ab axe diem.
Sponse nimis dilecte Deo, cui militat æther,
Atq; polus properum currit in auxilium!
Cuncta fluunt tibi fausta velut de diuite cornu
Auspicijs tantis nonne beatus eris?

Stanislaus Olszowski Stud.: Eloquent



A C R O A M A

P I E T A T I S.

Solennis iste Tuus sacrarum apparatus
Nuptiarum, in summa gestientium ani-
morum letitia, etiam à me tesseram pie-
tatis exigit auspiciatam. Illustriss. PRIN-
CEPS. Nimirum inter tantas gratulantium amico-
rum Voces, me ingratum colere nefas est. Angenore
Dee silentium: cum in publico sapientiæ Prytaneo,
vox laboriosi nunquam filere debeat Professoris.
Quis enim gratiosius Hospitam pietatem, quàm offici-
osus pietatis alumnus adorare potest? Meritò verò
quem primo magnum & desideratum salutare debui-
mus Hospitem, nunc hilarem tandem, propensis votis
veneramur Sponsum. Cui faustas etiam geminamus
gratulationes, ne parum liberalis humanitatis rei coar-
guamur, qui pro magnitudine beneficiorum, grati ani-
mi significationem fouere debemus sempiternam.
Duplex igitur hoc nostrum officium pari compensa-
mus obsequio & fide: cum in utroq. communis leti-

tie certissima resideant argumenta. Ignosces au-
tem quæ Tua est humanitas Illustriss: PRINCEPS,
si in summo cæli fastigio collocatus, homo stratus
humi, & depressus, à longè tantum Tuas, Maio-
rumq; Tuorum suspexero virtutes; quas bone Fa-
mæ Genius, in Capitolium æternitatis euexit, & ven-
dicauit sibi. Neque enim nisi perspicuæ Aquila
fontem luminis, irretortis oculis scrutari potest So-
lem; quem cæteræ, quæ circa terram duntaxat vo-
litant auiculæ, vix inuolutum nube aliquando con-
tuentur. Ingens est & Augusta Gentis Tuae Ma-
iestas, summa meritorum gloria, eximius lucentium
virtutum splendor, quem nutantes conuiuentesq; o-
culi ferre non possunt. Proinde dum ego ad fe-
ctum Sacrarum Nuptiarum, Acroama pietatis, non
tam verbosa lingue volubilitate, ad aurium titilla-
tionem, quàm prompta officiosaq; mente, ad verita-
tem propono, & ex Tuis meritis amplissimis confi-
cio, oro obtestorq; Te Illustriss: PRINCEPS, ut tantif-
per dum legis eruditus esse desinas, scientiam depo-
nas, beneuolentiam induas, & illam amenissimam,
quâ gratissimas colis Camænas, gratiam. Enim-

uero

vero assentationis suspicione nunquam laborare potest, qui pietatis dotes suspicit: nec verâ gloriâ carere, qui hanc virtutem exercet, quæ suo lumine ceteras omnes illustrat. Pietas est equidem, non ille Gordius, quem terrarum domitor ferro scidit nodus, sed indissolubilis virtutum nexus, quo maximè heroicæ mentes constringuntur. Pietas est diuini timoris & amoris, tanto iustior, quanto liberalior propagatrix. Pietas est moderatrix rationis, lumen animi, perfectæ magistra vitæ, solidæ parens gloriæ, fons & origo Sapientiæ, felicitatis illius anchora sempiternæ. Nam mentis innocentiam Deo consecrat, rationem hominis in cælestium contemplatione mysteriorum defigit, radijs diuinitatis illustrat iudicium, morum constantiam, vitæque probitatem retinet, Veræ Religionis tuetur & promouet dignitatem: omnia denique quæ hoc mortalitatis orbe continentur, incerta, fluxa, & euanida indicat. Hæc est illa virtus, quæ quid æterno Numini, quid Patriæ, quid amicis, quid sibi quisque debeat ostendit. quæ sublata (ut Suadæ medulla Tullius non dubitauit affirmare) fides, & societas generis humani, & Iu-

A in

stitia

De natu-
ra Deorū
lib: 1.

Marfilius
in Euthi
phronē.

Franc.
Piccol.
gr. 4.
C. 35.

ConNic.
Machiau

Stitia tollitur. *Præcedit verò (ut sapientissimè*
viris placet, pietas sanctitatem, Religio sequitur.
Nimirum pietas summi Numinis adorat maiesta-
tem, sanctitas illius beneficia contemplatur, Religio
conseruat mysteria, & ab omni aduerso tuetur im-
petu. Virtutes (ait Petrus Chrysologus) si se-
parate sunt dilabuntur. Penes Deum, nec pietas
sine iustitia est, neque sine pietate Iustitia. Sine
bonitate æquitas, sine æquitate bonitas non habe-
tur. Æquitas sine bonitate seuitia est, & Iusti-
tia sine pietate crudelitas. Ut verò Theseus be-
neficio Virginis Ariadne, ferox illud domuit mon-
strum, & perplexas Labyrinthi vias euasit, felix
futurus, si nunquam ingratus erga suam conserva-
tricem extitisset: Sic heroicus animus præsidio pi-
etatis ubique tutus est. Etiam si fractus illaba-
tur Orbis. Felices & beatos tanto patrocinio
Diue, cultores Principes! miseros desertores & ca-
lamitosos, quis negabit? Fremant licet omnes cum
Florentino impostore ardeliones, pietas Regina
Virtutum est, & Principum decus. Qui velli-
ant illius Maiestatem, vel auersantur lucem, lip-
pi sunt,

pi sunt, imo cæci tenebriones : digni qui in Nere-
nis pugiones incumbant. Ubi non est pudor
(ait togatæ Sapientiæ Princeps) nec cura Iuris,
sanctitas, pietas, fides, instabile Regnum est. Vti
in Helicen suam, aut Cynosuram intuentur naui-
culatores : ita subditorum mentes oculique in illos,
quos in sublimi posuit Superum fauor. Quibus in
dextera summum ius est, & potestas, illustriores illis
pietate sint oportet, quibus imperant, ne grauius ob-
sint exemplo. Veræ pietatis summa vis est, vt quæ
retrix vitæ Principis, perturbationum optima gu-
bernatrix, in aduersis solatium, frænum in prospe-
ris, vnica & inuicta mentis Domina, iuris imperatrix.
Pietatis est informare Custodẽ suum, non custodis il-
lã tanquam Lesbiam regulã, vt. Flecti ad eius
prescriptum debent Principes, non hæc illorum ar-
bitrio fingi, & refingi. Non eget humanis artibus
hec Dea, nedum Sinonys, vt adolescat ; ipsa sibi
sufficit, & incrementa sua, à se sola petit. Optima
sunt igitur firmamenta Principatus, quæ cum pie-
tate coherent, fides, probitas, Iustitia, sanctitas, &
recti tenax simplicitas. Hoc sempiternum pignus
est

est Illustriss: PRINCEPS Aquile Tuae gentilitiae, ut
caelum scrutetur, Solem diuinitatis contempletur, nec
ad radiorum vibratorum vim, oculos auertat de-
orsum. Vnde nefas est alibi, quam in Caelo, Ma-
iores Tuos querere. Caelum illorum proprium do-
micilium est; hereditaria possessio, eternitas beata.
Possederunt illi quidem latissimas in terris regiones,
et quae ad arbitrium Fortune fluunt ac refluunt o-
pes; sed his pretiosiores, et grandiores animas et
Caelo hauserunt, heroicisq; pectoribus incluserunt,
quasi Soli pro Caelo contra Gygantes pugnaturi.
Ita suae pietati, nullos fines fixerunt, nullos termi-
nos posuerunt: quia Deum maiorem mundo, altio-
rem Caelo, profundiorē abyssis adorarunt. Pro-
cuius gloria vias omnes in vias, omnes eternitatis
recessus, penetrarunt, lustrarunt, superarunt. Nul-
la secula, nulla maiorum series, nullus auium atq;
atavum numerus et ordo, tam sanctae diuinaeque
virtutis fuit expers. Bella maxima, imo praelia
recenseamus, Tuae Gentis Illustriss: PRINCEPS, pri-
mi Duces et authores, tessera pietatis, toties feli-
ces et victores extiterunt, quoties manus et arma

vibrarunt in hostes. Quorum nomina titulosque
 inquirere profecto videretur operosum, nisi providæ
 Minervæ stylo, in annalibus æternitatis essent in-
 scripti. Quæquam quis tam diuino præditus est
 ingenio, ut singula bellatorum vestrorum merita,
 laboresque satis cumulatè possit effingere? Ergo dum
 per illa deserta & inhospita tæsqua, cruda eijce-
 retur superstitio, à VLADISLAO IAGIE-
 LONE Lithuanie Apostolo, Academiæ nostræ
 excitatore & Parente, constat tum quoque Magna-
 nimum vestræ Familiæ propagatorem RADIVIL-
 LVM, cœlestem pietatis adorasse lucem, & in sa-
 cro baptismi lauacro D. NICOLAI nomen, fæ-
 lici omine accepisse, Palatinumque Vilnensem fuisse.
 Quid primum in eo Viro admirer? an in labori-
 bus bellicis patientiam? contra perduelles Crucige-
 ros, contra Scythas & Moschos, multos per annos
 fortissimè pugnavit. an in victu frugalitatem? vel
 parsimoniam in potu? Simplicibus vescabatur cibis,
 totaque virâ fuit abstemius. An rerum gestarum
 gloriam? post VILKOMIRIENSEM de Liuo-
 niensibus partam victoriam, totius exercitus Li-
 thua-

Gen. D.
 Simonis
 S:arouol
 icubella
 o e Sar
 amaria

Nicolaus
 Raduul.
 lus Pala-
 tinus Vil-
 na:

thuanici Ductor felicissimus proclamatus est. an-
denique corporis robur vel ætatis præstantiam? Cen-
tesimum ille Hæros annum superasse dicitur. Sed
in illo maxime suspicio & admiror pietatem, cuius
beneficio istas omnes dotes lucratus est. Nimirum
cum labores sustinuit grauissimos, hostes vicit acer-
rimos, spolia decerpfit opima, victus moderationem
naturæ convenientem seruauit, quid aliud egit? nisi
pietatem in se ipsum, Patriam, Deum, probauit,
& exercuit? Magna fuerunt hæc propagatæ pie-
tatis documenta, sed non minus illud laudabile, quam
imitandum, quod erga suum Patrõnum voluit esse
declaratum: cum pios posteros religioso obstringe-
ret Sacramento, vt D. NICOLAI nomen meri-
taque, deuotione recolerent singulari: quasi Cæle-
stem illum Indigetem vellet moriens, in tabellas te-
stamenti inscribere, heredemq; facere. Ergo tan-
tum pignus pietatis, studiosè admodum retinet Gens
RADIVILLIA; neque solum nomine quod (inter
posteros primogenitus quisq; sortitur) gratam Pa-
trono exhibet venerationem; sed etiam liberalita-
te in egenos, munificentia in hospites, magni-
ficen-

ficentiâ in templis ornandis, hereditarium tuetur
& promouet bonum. Nullus è Gente RADIVIL-
LIA repertus est, à quo non fuerit, aut templum
magnificum erectum, aut xenodochium amplissimo
proventu dotarum. Quam indolem ab hoc primo
NICOLAO RADIVILLO (qui Vilne Mo-
naſterium S. Georgij conſtruxit) iure hereditario
poſteritas poſſidet. O magnum potentis pietatis
miraculum! Ab vno fonte tot fluij, ab vna radi-
ce tot rami, tot arbores, tot ab vna pietate virtu-
tes, deriuantur? Nam pietati prouidentia, ſolersq;
conſilium, conſilio adnexa eſt animi conſtantia &
fides; fidem ſequitur fortitudo, fortitudinem
temperantia, & rerum omnium modus. Hic ve-
rò cognatione quadam allicit humanitatem, huma-
nitas munificentiam, munificentia magnanimitatem,
ex qua iam naſcitur inuictus ille & heroicus animus,
in tuenda & Religionis, & legum libertate. Atq;
he quidem virtutes omnes, Duce pietate, in am-
pliſſimam Domum Tuam Illuſtriſſ: PRINCEPS com-
migrarunt. Nam quid ego commemorem Maio-
res Tuos in vniuerſum omnes, cum hanc ſibi ven-

Val. Max.
lib. 5. c. 1

Nic. Iag.
II. Palat.
Vilnens.

Cronz.
lib. 5. fol.
67

dicent gloriam singuli. *Emilij quidem Lepidi, statua bullata & intincta prætextâ, in Capitolio posita fuit, quod is penè puer, hostem interemisset, Ciuemq. seruasset: sed ille tamen præcociis fortitudinis, vnum exemplum dedit, ne vnquam postea victor, in vrbe triumpharet. Felicior nominis & paternæ virtutis hæres, NICOLAUS II. qui in ipsa pueritia, miles fuit Patris Imperatoris, & inter infesta hostium agmina feliciter adoleuit, ut esset victoriosissimus triumphator. Non illum puerum districti gladij, non vis telorum, non irruentis Equitatus fragor, non concurrentium exercituum impetus, non alacrimus barbarorum, ceteraq. que bellatoribus etiam fortissimis incutiunt metum, terruerunt. Properauit fortiter faciendi celeritate ad gloriam, ne solus celebraretur laudibus, apud Romanos *Emilius Lepidus*, aut apud veteres *Polonos Boleslaus CRIVOVSIVS*. Ille igitur contumaces *Prussos* sub *CASIMIRO Iagellonde* contudit; ille pellaces tumidosque *Moschos*, virtute fregit: ille eorundem recordiam, ad *HOMLIAM*, dubium felicioribus ne consilijs, an fortioribus*

oribus armis refutauit. Sed ut in puero *Emilij*
Lepidi indolem, ita in Senatore, *Q. Metelli* feli-
citatem suspicio. Plures tantæ beatitatis offici-
osi scriptores, numerant gradus, ut stuporem exci-
tent. Quasi verò sine stupore non possit conciliari fi-
des: aut sine admiratione veritas?

Val Max
ius lib.
7, c. 1.

Nasci Metellum (ait ille) in Vrbe terrarum
principe Fortuna voluit: parentes nobilissimos
dedit: adiecit animi rarissimas dotes, & cor-
poris vires, ut sufficere laboribus possent: v-
xorē pudici tiā & fæcūditate cōspicuā cōciliauit.
Consulatus decus, Imperatoriam potestatem,
speciosissimi tituli prætextam largita est.
Fecit, ut eodem tempore, tres filios consulares,
vnum etiam Censorium, ac triumphalem, &
quartum prætorium videret. Utq; tres filias
nuptum daret, earumq; sobolem sinu suo exci-
peret. Tot partus, tot incunabula, tot viriles
togæ, tam multæ nuptiales fa ces, honorum,
imperatorum, omnis deniq; gratulationis sum-
ma abundantia; cum interim nullum fūnis,
nullus gemitus, nulla causa tristitiæ. Cœlum

contemplare, vix tam tibi talem statum re-
 peries! Hunc autem vitæ actum; eius con-
 sentaneus finis excepit. Nam Q. Metellum
 ultimæ senectutis spatium defunctum, lenique
 genere mortis, inter oscula complexusque
 charissimorum pignorum extinctum, filij &
 generi humeris suis, per urbem latum, rogo
 imposuerunt. *Hæc pro more suo gloriosus pro-
 nuntiat ostentator. At cur Catinij Labconis Trib.
 Pleb. nullam facit mentionem? à quo iste noster be-
 atulus, reuertens è campo, in ipso flore dignationis
 sue, meridiano tempore, vacuo foro, & Capitolio,
 ad Tarpeium fuit raptus, ut precipitaretur? An
 parum fuit penarum, è faucibus intortis, per aures
 sanguinem expressisse? An parum inuidiæ Scipio-
 nem Africanum sensisse inimicum? Nulla est
 profectò solida felicitas (grauissimus vir excla-
 mat) quam contumelia vlla vitæ rupit, nedum
 tanta. Quis enim potuit esse felix? qui sedâ super-
 stitione vitam habuit inquinatam? Felicior NICO-
 LAVS RADIVILLVS, qui suam vitam ad a-
 missim paternam formauit, nemini similior quam*
 Pa.

Plinius
 li. 7. c.
 44.

Patri. nullius felicitatis sortem desiderauit, hereditariâ virtute contentus & beatus. Nam exemplo Patris, non nisi frigidâ sedabat sitim. qui tamen ne esset ætate Patri par, vno minus anno vixit; nec nisi ad nonagesimum nonum, vitam mortalem produxit, credo vt celerius ad illam immortalem properaret: quâ, optimè meriti de Patria Ciues, perfruiuntur. Quod si beneficio filiorum, omnibus numeris absoluta, victoris Macædonici felicitas nominari potest? NICOLAI tamen RADIVILLI Superior est. qui sub SIGISMUNDO I. Rege Pol: præcipuarum prouinciarum Rectores, virtute conspicuos eloquentiâ præstantes, consilio potêtes, Filios quatuor sibi vidit assidêtes in Senatu. Illud autem quantæ felicitatis est argumentum, quod à VLADISLAO Jagellone incipiens, ad SIGISMUNDVM vsq; eius nepotem, sex Regibus Pol: toga pariter ac sago fidelem semper ac strenuam operam præstitit: bella maxima sustinuerit, victorias tulerit, triumphos geminavit gloriosos? auctoritate Senatum, consilio Patriam, amore & beneuolentiâ Ciues, beneficijs Ecclesiam; inuenerit, auxerit,

rit, crexerit, propagarit? Sed quantumvis maxima
felicitatis encomia numerauerimus, inferiora tamen
pietate iudicanda sunt. Memor est suae indolis
pietas, nullibi magis quam in heroico pectore suam
exercet potentiam: & sic in orbem perfectionis per-
petua reuolutione decurrit, ut nunquam conquiescat.
Nouum & inauditum profecto Religionis illud in-
uentum fuit, ut Filius Patris sui Confessarius es-
set, & nullus ad tremendum sacrificium Filij mini-
ster nisi Pater. Hanc mirabilem exercuerunt pie-
tatem is ipse NICOLAUS RADIVILLVS &
ALBERTVS Filius, Episcopus Vlnensis, vulgo
Elemosynarius nominatus. Cuius solennis erat
consuetudo, singulis diebus, non prius cibum capere,
quam pauperibus ad mensam ministrasset. Felicem
Patrem tanto Filio, & Filium Patre tanto
beatum. Quanta conscientiae puritate nituerit
Pater, quam liberè scrutari potuit Filius iudex:
aut quā innocentia Filius, quam luce palam voluit
honorare Pater. Summa fuit in Patre animi submis-
sio, magna in Filio maiestas, & auctoritas, sed
quam Spiritus obedientiae temperauit. Tum etiā
notiua

*natura nominum reciprocatio immutata est: cum
 Filius honoraretur à Patre tanquam Pater: &
 Filij præceptis obtemperavit Pater, quasi Filius.
 Novo uterq; experimento perfectus: ut nemo Pa-
 tris Fabij, à Senatu missi ad Filium, desidera-
 verit nocem. Non ego Fili, summum impe-
 rium tuum contempsi, sed experiri volui, an
 scires Consulem agere. Sciebat Pontificem
 agere Filius, ideo satis honorificè habitus est à Pa-
 tre RADIVILLO. Ergo cum plenus merito-
 rum & diuine benedictionis Pater (in illo templo
 quod Religiosæ Familie Viris, de obseruantia S.
 Francisci Vilne erexerat) mortalitatis exuias de-
 posuisset, etiam Filius, tædio Patris absentis ab-
 sumptus, properè in cælum euolauit. ut uterq;ne
 communem Conditorum, communi prædicatione au-
 gustius adoraret. Et hi quidem ad Cæleste Capi-
 tolum magni Indigetes commigrarunt, sed terti-
 um eius nominis reliquerunt in terris NICO-
 LAVM, Paternæ fraterneq; pietatis imitato-
 rem studiosissimum, Patriæq; propugnátorem a-
 cerrimum. Qui Nouogroden. primum mox Vilnen.
 C Polari-*

Liuius
 lib: 24:

Nicolaus
 Radivil-
 lus pal-
 Vilnen:

Palatinus, quam fortiter oppugnauerat Pater,
HOMELIA Marcem, loco munitam, vallo mu-
roq; præualidam, intra paucos dies expugnauit:
Moschorum XV. millia ad internecionem fudit,
illorumq; Ducem Ouczinam cepit. **STA-**
R O D V B V M Urbem insolentem, & suis
opibus nimium fidentem ac tumidam, ut mortalem
se deinceps sentiret, in Cineres redegit & fauillas.
Tantis rebus gestis gloriosus: Regiq; **SIGISMVN-**
DO I. charissimus, in illo celeberrimo **V I E N-**
N E N S I Regum Cnuentu à **MAXIMI LIA-**
N O I. Imp. primus Rom. Imp. Princeps decla-
ratus est. Sed tantus honor in eius animo, non
fastum, sed modestiam, non insolentiam ad aliorum
contemptum, sed Comitatem, clementiam, humanita-
tem maiorem auxit, & propagauit: ut illum quisq;
merito potuerit non hominem, sed ipsam viuam hu-
manitatem appellare. Non quieuit pauperes men-
sæ suæ admouere, afflictos erigere, cæteraque opera
pietatis exercere. Si quando (ut fit) in medio stre-
pitu armorum, vel difficultatem longitudinemque
viarum, non neglecta sed impedita fuissent, toto illo
tempo-

tempore, quasi grauit̃er deliquisset, Scruerus Rege
 castigatoꝝ officij, in pane & aqua ieiunauit. Cu-
 ius frater **GEORGIVS**, Moschum ad Sta-
 rodubum, Radogostiam & Smolenscum ce-
 cidit: ultra Velsnam & Dorohobusum vltꝛices
 flammās sparsit: Mozyrum, Turouiamq; ab ini-
 quissimo Possessore Glinscio postliminio recupe-
 rauit: Petrum denique **SVISCIVM** cum
 XXX. millibus Moschorum ad **VLAM** pro-
 fligauit, foelicissimus triumphator; & Augustis
 Filie Nuptijs gener Regis gloriosus. Quid de
IOANNIS RADIVILLI meritis dicam?
 Quartus ille **NICOLAI II.** fuit Filius. qui li-
 teras etate prima necessarias, & ex vsu suo atti-
 git: ne animus ad res tantas, quantās gessit, & mili-
 tie laborem, torpesceret. Ergo victorias auita me-
 mor pietatis, ieiunijs & Orationibus parauit. Cum
 verò religiosis peregrinationibus intentus esset (nam
 Basilicam Principum Apostolorum sub Iulio II.
 Pont. Max: visitauit) sepius quod magis est mi-
 rabile, vicit, quàm pugnavit. Inter cætera trophæa
 Michaeli Glinscio (antequam perdidisset fidem

Georgio
 Raduill.
 Castell.
 Vilnen:

Ioannes
 Raduill.
 Trocen
 C. 14. el
 & M. D. L.
 Marfal:

Nicolaus
Iv. Rad-
uillus.

perduellis) insigni victoriæ de prædatoribus Tar-
taris, ad Klockum manus accomodavit. Cuius
Filius NICOLAUS IV. adolescens totam pe-
nè Europam lustravit, in exercitu victoriosi Pa-
tris, militiæ rudimenta deposuit: Liunioniam ab infe-
stis impetitionibus vindicavit: Albertum ex
Marchionibus Brandeburgicis, Gothardumq;
Magistrum Crucigerorum Generalem, in ce-
leberrimo conspectu Senatus Vilnæ, cum speciosis in-
signibus, AVGVSTO Regi reddidit: ad CA-
ROLVM V. denique & FERDINAN-
DVM Cæsares, illustres & magnificas legationes
suscepit. Porro summos in Patria honores gessit
& explevit omnes, nè superior quisquam vno RA-
DIVILLO haberetur, cum augusta semper
virtus, iusta sibi vendicet retineatq; præmia. Itaq;
eodem tempore Supremus in M. D. L. CAN-
CELLARIVS, & MARSCHALCVS, &
CASTELLANVS VILNENSIS & DVX
exercituum fuit GENERALIS. Quod verò
circa portum pietatis fluctuarit, communis illa fuit
tempestatas, atq; Christiani orbis calamitas. Ve-
rum

rum tamen ob eximiam quatuor Filiorum pietatem, quis illum reprehendat? Primus eorum peregrinus est appellatus, alter GEORGIVS, Vlnensis primò, mox Cracouiensis Episcopus, qui Sacram etiam purpuram Patrijs honoribus addidit! ALBERTVS verò Supremus M. D. L. Marsalcus, & STANISLAVS Samogitiæ Toparcha, Viri fuere Pacis bellicq; studijs, clementiâ, liberalitate longè celeberrimi Patruï Tui; Ill. P.

Quis peregrinatorem religiosiss. NICOLAVM CHRISTOPH. RADIVILLVM

iustis laudibus satis cumulatè celebrâuerit? Qui labores ætate, studia industriâ, eloquentiam ingenio, honores pietate superauit. Iuuenis admodum ingentes terrarum tractus, summâ celeritate peragravit, ut se hospitem probaret in terris non incolam. Duo de viginti annos natus, Curie M. D.

L. Marsalcus fuit creatus, posteaq; ad HENRICVM, è Gallijs deducendû Regem, cum XII. proceribus, à Senatu missus est Orator. Cum verò (qui nunc quoq; præ recordia recalcitrât) sub STEPHANO Bathoreo, insolenter tumultuarentur

Nicolas

V.

Radivill:

peregrin:

Pal: Vil:

S. Sepul.

Eques.

S R. I.

Primus

princeps

Gedanenses, illi **DERSAVIENSI** prelio, vigilans alarum **Præfectus** interfuit, & alteram victoriæ ne elaberetur alam apprehendit. Quod gratum hoc sapientissimo Regi obsequium fuerit, exitus comprobavit. Nam & supremus **M. D. L.** **Marsalcus** renunciatus est, & ad reprimendas Moschorum impressiones, integræ legionis **Ductor** assignatus. Tantis igitur meritorum præsijs obfirmatus ad gloriam, virtutum tamen præmia, contemnebat honores, diuitijs hereditarijs animosus. nec à **D. SIGISMUNDO III. CASTELLANVS** & **PALATINVS** ^{vocen} postea **FRO-**
VLA **CENSIS** nisi inuitus est renunciatus. Cum verò ingenia heroica, à natura vel potius rerum omnium Parente Deo, eam possideant dorem, ut omnino latere non possint: sic ille ab his regionibus in conspectum orbis, erupit, flamma pietatis accensus. Nam Hierosolymitanæ peregrinationis difficultatem, diligentiam & labore, laborem patientiam, patientiam ardore animi, & magnanimitate, magnanimitatem beneficio pietatis obarmavit. Sapientis Viri Civitatem, non nemo vocavit orbem uniuersum

sum: at exiguum forsan istud domicilium est illi a-
nimo, qui sublimitate sua supra terræ cælorumq;
tractus eleuatus, omnia transcendit, omnia penetrat,
omnia superat, ut in ipso Deo, cuius centrum ubiq;
est, circumferentia nusquam, secure conquiescat.
Quam iucunde, quam piè, quam religiosè, quicunq;
legimus illas Epistolas, peregrinamur omnes, quan-
quam vno in loco defixi hæreamus. Ita voluit pe-
regrinari, ne solus esset; ita pietatem colere, ut eam
omnis imitaretur posteritas; quæ ubi steterunt, pe-
des Domini, tabernacula sanctitatis locare deside-
rat. Sed tantum beneficium non conceditur otio-
sis, primò ex illa terra sancta, turpis armis exclu-
dendus est Spartacus. Ille itinera lustrauit, aditus o-
mnes monstrauit, vias aperuit, calamo descripsit: no-
strum est ut benè tritis vestigijs insistamus; ferro il-
lam belluam fædissimam, quæ fraude, scelere, imma-
nitate, Patrium solum nostri Saluatoris violauit,
ingulemus: si pij, si Viri, si deniq; Sarmatæ sumus
bellicosi. Quod olim Mutij Scæuolæ fuit Symbo-
lum, nunc & facere & pati fortia Polonum est.
Nihil inuium est, nihil inaccessum virtuti, Nul-
lum,

lum diu securum ac ne tutum quidem scelus est.
 Magna moles grauiori casu corruit. Arbores al-
 tissime diu crescunt, vnâ tantum horâ extirpan-
 tur. Ergo spolijs pietatis onustus, industrius spe-
 culator, in Patriam redijt, vt qui sint terrarum
 tractus, quæ regionum amenitas, quæ soli vbertas,
 quæ rerum omnium copia, quantus denique ædium
 sacrarum contemptus, quanta nostræ Religionis e-
 xecratio, quanta captiuorum calamitas, vltiores Sar-
 matas edoceret, Iisdem rationibus ac viribus, re-
 gna postliminio esse repetenda, quibus essent amissa,
 docent exemplis ingenui custodes veritatis. Prius
 sceleratus AMVRATHES quam cepisset
 CONSTANTINOPOLITANVM impe-
 rium totius Græciæ pulchritudinem contemplatus
 est: deinde inter illos principes, & Imperatorem, e-
 gregius (si Dijs placet) Pacis arbiter, bella ciui-
 lia composuit: tandem nostrâ negligentia, potentiam
 suam obarmavit. Sed ne per illas regiones perpetuo
 peregrinaretur pietas, officiosus aduena in Patrijs
 illam hereditarijsq. ditionibus fixit & firmavit.
 Quid aliud templa magnifica, Collegia splendida,
 quam

Paulus
 Iouius
 in vita
 Amura-
 this

quam plurima xenodochia iustis dotibus munita, mi-
si summam pietatem, eximiam in egenos liberalita-
tem, diuinæ gloriæ propagandæ ardorem testantur?
Cum insignis ille morum & disciplinæ Ciuilis magister
villam Scipionis Africani propè Linternum mi-
ratur, gestiens præ lætitiâ atq; voluptate exclamat.
Vidi villam structam lapide quadrato, murum ^{Seneca}
circumdatum syluæ, turres quoq; in propugna- ^{ep 26.}
culum villæ vtrinq; subrectas. Cisternam
ædificijs ac viridibus subditam, quæ sufficere
in vsum, vel exercitus posset. Balneo-
lum angustum, tenebricosum ex consue-
tudine antiqua. Magna ergo me voluptas
subit contemplantem mores Scipionis ac no-
stros. In hoc angulo ille Carthaginis horror
cui Roma debet quod tantum semel ca-
pta est, abluebat corpus laboribus rusticis fes-
sum. exercebat enim opere se, terramq; (vt
mos fuit priscis) ipse subigebat. Sed ne sola
semper miracula sua loqueretur antiquitas, illustri
munere magnificentie NICOLAVS prouidit
RADIVIILLVS, cum in Niesuiczio propugna-
cula-

cula, curiam, templum, Collegiumque Sacerdotum,
tam splendido visendoque erexit apparatus, ut spe-
ctantium oculi rapiantur in admirationem. Ho-
rum tecta nitent, aerea, inscriptiones fulgent, ar-
gentae, quae verò est in palatio, etiam aurea tabula
conspicitur. Ne quid verò ad magnificentiam desi-
deraretur, vias longissimas lapide strauit, arbori-
busque frugi, utrinque munivit et circumsepsit, ut
non solum voluptatem, sed etiam praesto fructus pa-
ratos fatigatus decerpere possit Hospes. Ut ve-
rò via Appia etiam num monumentis literarum ce-
lebratur; sic RADIVILLIAM apud omnem
posteritatem, suspiciendam magnificentiam merito
illi Viarum tractus celebrabunt. Priuatam vitam
prudentes et magnanimi Patriae Cives, intra fru-
galitatis et modestiae conscientiam alunt, gloriosi-
usque putant, illum qui faciat ad Gentis et Reip.
Famam in lucem proferre splendorem. Vnde et
Viribus corporis valent, et mentis vigorem, me-
moriae facilitatem, dicendi felicitatem, quoties opus
est, ad usum accommodant. Tantus nomine, me-
ritis, honoribus, pietate, Patruus ille Tius Illustr:

PRIN-

PRINCEPS, parato ad immortalitatem itinere cucurrit, & (quod maximum solatij argumentum viuis habuit) simillimos heroicarum virtutum heredes, Filios reliquit. Quorum IOANNES & ALBERTVS Castell. celeri impetu ad immortalitatem euolarunt. Porro Illustriss. CAROLVS Eques Meliten: sacram militiam professus est, vt viuaciorem faceret in terris innocentiam, quam beata sibi vendicat eternitas. Illustriss: verò ALEXANDER LVDOVICVS Supremus M. D. L. Marsalcus, meritis, eloquentia, auctoritate, facile princeps, vt amplissimo Senatui, Ecclesie, Academie, una Tecum Illustr: PRINCEPS, ad commune rerum humanarum presidium & solatium, plusquam Nestorea secula viuat, ardentissimis votis omnes Academici Lijcæi Cives comprecamur. Similis enim vos nexus virtutum, qui Parentes Vestros adstrinxit. qui magnitudinem suam modestiâ, modestiam candore, candorem fortitudine, fortitudinem temperantiâ, temperantiam prudentiâ, prudentiam Iustitiâ, Iustitiam pietate, & quicquid huic vicinum est, meriebantur.

D. ij

bantur. *Felices tam concordi concentu meritorum*
Fratres, tantoq̃ feliciores illis, quos fabulosa demira-
tur antiquitas, quanto Sol tenebris, Religio supersti-
tioni præstat. Sed longum est STANISLAI RA-
DIVILLI *Supremi M. D. L. Marsalci, magna-*
nimi Tui Parentis, Illustriss: PRINCEPS be-
neficia pietatis recensere, quæ in Regnum, quæ in
Reges, quæ in Ecclesiam, quæ in Senatum, quæ in
singulos homines, inexhaustâ benignitate redunda-
runt; ita infinita numero, commodis ingentia, me-
ritis immensa, ut nunquam obliuione gratiam ob-
ductura sit, vel multitudo omnium, vel magnitudo
singulorum. Agnouerunt illius non pauci Patriæ
Ciues, hæreditariam domi frugalitatem, in publi-
co splendidam magnificentiam, in Ecclesiæ bonis pro-
pagandis, valde quam propensum & effusum ani-
mum: sed maximè quam luculenta & quam con-
stans illius in patriam, & commune ius defenden-
dum extitisset charitas, prudentia, studium, grauif-
simi labores, quos Marschalcus sustinuit abundè
sunt testati. Magistratus is quasi Lijdius la-
pis, magnorum animorum, indolem probat, & in-
dustri-

dustriam excitat. Nam sedare impetus Comitio-
rum, temperare ardorem ingeniorum, regere ani-
mos consilio, auctoritate, Oratione, nutu, non nisi
grauissimus & prestantissimus Cuius potest, quo
tanquam Atlante Resp. nitatur. Hic est diui-
ne legis custos, moderator & interpretis Iustitiae, ar-
biter aequitatis, quem omnes velut viuum oraculum
intuentur. Neque verò suis commodis, sed vniuer-
sorū Ciuum felicitati maximè studet. Ac pro-
fectò hæc tam laboriosa sparta, semper demandatur
ijs, qui prudentia, auctoritate, eloquentia, pietate
ceteris præstant: quod eorum mentes magis diui-
num Spiritum concipiant. Quandoquidem con-
sonum est aequitati, ut Princeps vniuersi Deus,
per charos sibi homines & beneuolos, suam aperiat
voluntatem. An se ipsum regere difficile est, tot
homines, tam inter se moribus, & studijs differentes
gubernare, operosum non erit? Illud absque di-
uina opera fieri non potest, hoc fiet humana? No-
lunt Poetas absque diuino quodam afflatu, posse
bonum carmen effundere, & absque diuino Numine,
hominum cætus regi possunt? Est profectò, est

quædam vis diuina, quæ innocentes animas imbuat,
quarum arbitrio res humane, ad certum honestatis
scopum dirigantur. Ut verò animus tum bene
compositus esse dicitur, cum ratio præsidet, cæteræ fa-
cultates inferiores rationi parent: sic Resp. tum
rectè administratur; cum prudentes Viri, consilio,
opera, fide, illius defendunt, & promouent digni-
tatem. Hinc Themis, quod nomen Ius Fasq;
significat, diuinitatis interpretes Poetæ, modò Io-
uis, penes quem est summa potestas; modò Solis, qui
suo lumine terrarum opéra omnia lustrat; modò cæ-
li ac Telluris filiam esse confinxerunt: quod certis le-
gibus maximi Dei, & naturæ, consistat vniuersi-
tas, quæ Rectoribus populorum committitur. Sed
quid ego Phormionem ago, qui ea de re disputo,
quam negat nemo, communi sensu approbant omnes.
Possum equidem magnanimitatem, possum vigilan-
tiam celebrare, possum æquitatem, Illustriss. PRIN-
CEPS, felicissimi Tui Parentis, (habuit enim il-
le mirabilem quendam omnium virtutum concentum)
sed gentilitiam maximè contemplor, & suspicio pi-
etatem; quâ leges adstrinxit, bonum publicum pro-
mouit,

mouit, defendit innocentes, castigauit prouaricatores.
Quæ cum singula considero, singula contemplor,
summa esse iudico, & immortalia tanti herois bo-
na; sed nullum illustrius, quam quod Te Illustriss:
PRINCEPS, tantorum heredem meritorum re-
liquisset. In alienas manus, labor abit paternus,
si desit heres optatus, qui non magis genus pro-
moueat quam virtutes. Quæ cū dolore amisit utrāq;
spem orbatu Filijs Teczynius. Crac: Palatinus?
In ludis quidem Circensibus, multi cursibus certa-
bant, sed alij in carceribus ad metam propera-
bant, alij metam tangebant & Coronas. Ita vi-
ctores alij futuri, præsentis alij iudicabantur. In
currentibus nihil tardum, in cessantibus, nihil præ-
ceps designabatur. Hoc cursu maiores Tui certa-
runt, metam attigerunt, prensarunt Coronas; & Ti-
bi benè tritam vestigijs viam reliquerunt. Tu
verò Illustriss: PRINCEPS, à primo flexu te-
nerioris ætatis, non minus alacriter quam fortiter,
huic itineri insistis, & merita meritis, labores la-
boribus, virtutes virtutibus aggregas gloriosas.
Agitur adolescentia turbinibus suis: Tu Tuam
pudo-

pudore, modestiâ, pietate firmasti: ut etiam opti-
mæ spei NICOLAI natu maioris Fratris (quem
properantem ad metam gloriæ, mors inuida subtra-
xit) vices supplueris. Miseri sunt, qui literarum
cum pietate diuortium faciunt: felices & beati qui
bonum vtrumq; possident. Neq; enim, aut ani-
mus corpori, aut ratio cupiditatibus laudabiliter
imperitarint, si animus & ratio ipsa Deo seruire
nescierint. Hic est fructus pietatis, hæc regula eru-
ditionis, tantorum bonorum Conditorum, sanctè nosse,
religiosè venerari, pie colere. Omnis perfectio, à di-
uina hac virtutum moderatrice emanat, & in illa
consistit, & ad illam reuocatur. Cetera intelle-
ctus supellex, extra illam est, tam certè, quàm opes,
quàm honores, amici, & vniuersus felicitioris fortu-
næ Comitatus. Quem etiam grauis Ethnicorum
Philosophorum Senatus à sapientia, hoc est, plena
perfectaq; probitate, neque excludit si adest, neq; si
abest magnopere desiderat. Amat quispiam ver-
borum floribus distinctam orationem? bene est: sed
caueat ne vitiorum maculis aspersa sit vita. A-
strorum perpetuas conuersiones contemplatur? laudo
ingē-

ingenium: sed cogitet illinc sibi datum animum; il-
lic Domicilium collocandum. Percipit quo-
modo inter se acutæ grauesq; voces consonent? faciat
potius ut animi cum cupiditatibus, sit concors
harmonia: ut neque frons à mente, neq; supercili-
um à candore, neq; à vultu sermo discrepet. Ni-
hil insolens, nihil curiosum, nihil importunum, ni-
hil nisi quod sit diuinæ gloriæ accommodatum Pie-
tas admittit. Animi submissionem, non fastum,
vitæ probitatem, non insolentiam perdocet. Facile
discere incipit, qui nescire se prius didicit; nec men-
tis innocentiam, vel leui suspitione tumoris inflam-
mauit. Facile eruditionem consequitur, qui fon-
tem sapientiæ nouit adorare. Colles camporum et
tumuli, sublimiores sunt infra, quam ut fontes eos
attingant: planities verò campi, subsidentes, leni-
bus aquarum scatebris irrigantur. Eodem modo
veram scientiam exclusit, qui puras pietatis aquas,
in animum non admisit. Inflat eruditio vel mo-
dica, nisi à pietate rationis moderatrice regatur.
Suavis est ambitio, non oppugnat animum, sed
muleet; non ducit sed flectit: non trahit sed titilla-

E

tione

*in ea natus est. At ille verè natus est, qui com-
mune bonum ingenio, industria, amore, pietate, tue-
tur. Cum enim per se studia literarum sint utilia
& iucunda, & vsibus Reipub: necessaria, tum lu-
mine pietatis illustrata, maximum cultoribus suis
adferunt ornamentum. At pietatis alumnus ani-
mi colit submissionem, benevolentiam in omnes, hu-
manitatem in singulos. Nec inferiores despicere
didicit, ne in mortalibus immortalem diuinitatis
imaginem, contemnere videatur. Grator est in
heroica indole, magnanimitate temperata simplici-
tatis: nec ab animi magnitudine (vt temerè quidam
putant) humilitas discrepat. Cum enim (ait
Syluensis Episc.) humilis ideo se non magnifa-
ciat, quia maiora quædam intuetur: restat vt
intelligamus, illum esse magno animo prædi-
tum: superbum autem & insolentem, minuto
& angusto. Satis enim constat, nunquam
à rebus exiguis, ad amplas & magnificas ani-
mi aspectum retulisse. Nam si id fecisset, nun-
quam tanti se ipsum æstimaret. Est enim
hominis, Christiani munus, non modò mundi
orna-*

Hierony-
mus Olo:
lib: 8 de
Gloria.

ditio laboris patientiâ, modestiæ industriâ, pietatis
curâ, comparatur. Hanc solidiorem, quisquis non
ostentat possidet: quisquis non venatur apprehendit.
Quicquid fluxa præoccupat opinio, bono exitu caret,
& fide. Nulla ostentatio diuturna est; nulla si-
mulatio, fructum lucratur eruditionis. At verò
Tu Illustriss: PRINCEPS, summi Creatoris ar-
bitrio, Parentumq; beneficio, indolem naturæ sor-
titus es optimam, quam à tenera ætate, illi maxime
otio consecrasti, in quo maiora egisti & pulchriora,
quàmque reliquisti. Reliquisti torporem ignavis,
luxum perditis, insolentiam desperatis, in omnibus
verò Tuis studijs & actionibus attentè animosq;
perlustrasti, quid deceret. Hæc Tibi diuinita-
tis adiuncta fuit felicitas, ut iam inter prima
elementa virtutis, & dignitatem Tuam, & publi-
cam spem possideres: & grauiores animo, quàm æ-
tas pateretur volueres cogitationes, memor ubiq; Tui
Creatoris. Quanta illius esset potentia, pietas,
pulchritudo, maiestas, è cælo, vel quod in noctem a-
stris distinguitur, vel quod in diem Sole lustratur,
percepisti. Mensus es, anni totius per vices mem-

bra diuisa; & dies cum noctibus, per horarum spatia digestos; & terræ molem libratam cum montibus; & proflua flumina cum suis fontibus; extensa maria cum suis fluctibus, atq. littoribus. Interim constantem pariter summa conspiratione nexibusq. concordie mundum, in omnibus partibus incolas proprios, in aëre auem, in aquis piscem, in terra hominem recreantem. Cuius beneficio Ver hyemi, æstas veri, autumnus æstati, hyems autumno succedat? Cuius beneficio, terra vireat? arbores frondeant, aurum, argentum, ceteraq. in visceribus terræ metalla, generentur? Cuius beneficio protensus aër medius, tenuitate suâ cuncta vegetet, nunc imbres contractis nubibus profundat? nunc serenitatem raritate luminis perspicuâ reuocet? In his omnibus, veneratus es spiritum per omnia Commeantem, & singulis vniuersi partibus quasi accuratissimè lyre fidibus intentum, qui fluentium rerum canticum, iucundissima varietate temperat, ingenitus, immortalis, perpetuus, solus ipse sibi locus, & orbis. Cui spirans omnis intelligensq. natura, & habere & agere non desinit vnquam gratias immortales.

tales. *Ac ne nostræ duntaxat Academiæ um-*
braculis, Tui præcellentis animi vis circumscripta te-
neretur, exterorum etiam gymnasia quæcunq̃ do-
ctissimorum virorum laude florerent adiisti. Ut
enim plantæ, interdum si transferantur felicius sur-
gunt: sic ingenia heroica cum fructu plerumq̃ Pa-
triam relinquunt. Neque solum eximiam in omni
genere scientiarum consecutus es Illustriss: PRIN-
CEPS eruditionem, sed & famam. Quisquis e-
nim nobilissimus est, latere non potest, quisquis pa-
triæ addictissimus, latere non debet. Itaque hu-
manitatis & sapientiæ Tuae splendor, omnium ocu-
los perstrinxit. Quæ Te cunque dares, omnes in-
dustriæ Tuae acumen, intelligentiæ perspicuitatem,
comprehendendi facilitatem, rerum omnium copiam
& verborum ubertatem, suspiciebant, prædicabant.
Tu verò non popularem auram, sed illustris erudi-
tionis fructum quæsiuisti: genium nationum, inge-
niorum vim, morum dignitatem, victus moderatio-
nem notasti, observasti: tantisque dotibus abundè
instructus, maturè Tibi in patriam, redeundum
putasti. A libertate non potest esse alienus is, qui

tionem defricat. hac præsertim ætate, quæ velut cera mollis est, & in deteriorem partem sequax. Fa-
uet illa spontè & patrocinator sibi: neque admira-
ri se prius incipit, quàm alios despexerit. In la-
cu vanæ gloriæ, pulchellus Narcissus se se contem-
platus est, sed ut simul imaginem formæ vidit, pe-
riit miser. Quæquam quæ verè videre potuit,
qui se ipsum non agnouit?

Credule quid frustra simulachra fugacia captas?
Quod petis, est nusquam: quod amas amittere
perdes,

Ovidius
lib: 3.
Meta-
mor

Ista repercussæ, quam cernis imaginis vmbra est.
Nil habet ista sui, tecum venitq; manetq;
Tecum discedit, si tu discedere possis.

Hæc imago adolescentiam deludit, insinuat suauiter
in oculos, sed infascinat mentem; iuuentuti leniter
adblanditur, sed citò decipit. Vix apparet vin-
cit: priusquam prouocat, triumphat. Quæquam
spolia quæ suis tholis affigit, non alia sunt, quàm su-
mus, & vmbra. Non cadit in tumidum animum
vera scientia. Echo non in vocem abit, sed in so-
num: Narcissus in florem mutatur. Omnis eru-
ditio

ornatum, & magnificentiā intueri, sed longè
altiùs extolli, naturæq; totius architectum
assiduè contemplari. sic igitur fit, cum ani-
mus in corpore manens, è corpore tamen stu-
dio & agitatione mentis excēdit, & quo ad fas
est, diuinæ virtutis lucem videt: vt se repente
suâq; omnia, & quicquid antea amplum, &
illustre censebat, humile & obscurum iudicet;
nihilq; in vita pulchrum & honestum existi-
met, quod non senserit esse claritate illa diui-
ni luminis illustratum. Omnes igitur huma-
nas opes, siue illæ ad corporis cultum, siue ad
ornatum animi pertineant, parui faciens, ita ex-
ardescit ad illius diuinæ formæ cupiditatem,
vt nihil aliud cogitet, nihil amet, nihil cupiat:
sed potius omnibus corporis & animi viribus
ad summum illud bonum fruendum incitetur.
Hoc autem tam illustri spectaculo, multò cla-
rior in dies, atq; altior fit. Cum enim amo-
re Dei flagret, mentem ad illius aspectum ar-
denter excitat. Quo autem magis illo aspe-
ctu, quantum potest in hac vita fruitur, eò
vehe-

vehementius inflammatur. Sic autem eue-
nit, vt progressio in diuinæ naturæ cognitio-
ne, amorem augeat : amor autem auctus, cla-
riorem in dies cognitionem efficiat : atq; ita
tandem homines alia quadam mente prædi-
tos, ad sui contemptionem, quotidie magis
iudicat. Auget etiam interim vehementer
humilitatem, quod in illa cœlesti luce multa
nostra vitia, quæ antea latebant clarè cerni-
mus : ita vt quo magis immensam summi illi-
us Rectoris, bonitatem agnoscimus, eò faci-
lius nostræ naturæ imbecilitatem, atq; corru-
ptellam agnoscamus. Inde autem fit, vt ea-
dem opera, & Deum ardentè amemus, & in
nostri odium quodammodo veniamus. Er-
go vt superbia nascitur ex animo abiectio, &
in terram demersio : ita humilitas ortum habet,
ab animo magno, nihil quod quidem non sit
diuinis, & æternis opibus exaggeratum, ma-
gnum & excelsum iudicante. Considerate
igitur quàm excellenti animo sint ij, quos no-
stra loquendi consuetudine humiles appella-
mus.

mus. *Hæc & alia de heroica animi submissione,*
disertissimus OSORIVS grauiſſimè ratiocinatur.
Hæc relucet in Te Illuſtriſſ: PRINCEPS he-
roica indoles, cum animi ſubmiſſione; cum grauita-
te humanitas, cum Comitatu, affabilitate, clementia,
perauguſta vultus & oculorum maietas, mira qua-
dam venuſtate lineamentorum temperata. Non
poſteſt eſſe alius ingenio, alius corpori color. Ani-
mi compoſitionem, pulchra totius corporis conſtitu-
tio indicat. Ingenium amenum, ſolers, placidum;
corporis ſanum temperamentum probat; & conſen-
taneas quæ vtrinq; fluunt actiones. Nimirum ne-
ſcit animus Tuus, peregrinum tumorem, eundem
tenorem & conſtantiam ſeruat, in ſummis honori-
bus, ſuperbiam remouet, aculeos non acuit, faſtum
excludit, intra Comitatus & manſuetudinis ſolertiam
dulce imperium bonitatis exercet. Ergo clemen-
tiſſimæ Indoli, vota, deſideria, cogitationes omnes
reſpondent. At ecce ſtratam ad æternitatis tem-
pla viam video, & patentem limitem. Terram fa-
ſtidit Aquila Tua Illuſtriſſ: PRINCEPS, cœ-
lum cœleſtis ales intuetur, virginem amictam ſole

Fſalu-

salutat & adorat. Non simplici cultu pietas contenta est, cum satis laudare non potest virginem, adorat, & ut adorare possit, laudat. Sic pietatis officium, in Religionis mysteriū commutatur. Quippe Numen infinitum est, nulla cogitatione bonitas eius, nullo sermone magnitudo comprehendī potest. Proxima Numini virgo est, quæ Numen peperit; quæ Deum terris dedit; quæ humana in carne Numen adoravit. Qui verò Deiparam laudat virginem, iam felici proximus encomio, ad Deum affurgit. Intelligo pietatem Tuam Illustriss: PRINCEPS, virginis castissimæ beneficio, felix esse maluisti, quàm ingenij miraculo. Quæquam & in genium acuiſti, & stylum in laudibus virginis tinxisti. quæ in pectoris intimis recessibus pressisti, quæ usu cognouiſti, ea in lucem exprompsiſti auspiciatam. Nimirum gravem inferre iniuriam Religioni Tuæ putaſti; nisi in Mineruam castissimam aliquod pietatis monumentum reliquiſſes. O facundum igitur scriptorem, ô felicem Historicum, quem tam felix pietatis aura imbuit! Quàm elegans & pius scribentis ardor est, tam eloquens Stylus & verus.

Illustriss
Principis
devenatio
ne Virgini
nis Historiæ

rus. *Hallucinamur in minimis, nec se industria ubi
que nouit. Erratis authores, oleum & operam perdi-
tis, qui scribendi materiam magis mirabilem, quàm
veram sumitis, ut populo placeatis. Libertatem
vestrâ venditis, rem, nomen, famam, adulatione cor-
rumpitis, & virtutem prostituitis ad contemptum.*
Ea quæ à Philosophis obiecta sensuum vo-
cantur, (ait *Rodolphus*) sunt semina omnis no-
stræ scientiæ: hæc omnis humanorum inge-
niorum iactatio. Ex his variè coniunctis, coà-
gmentatisq; omnium rerum species, multitu-
dinem, varietatemq; discreuimus. Ut possit
dubitare non nemo, querelâne dignius sit,
tam in arcto humani ingenij vim esse con-
clusam, an potius admiratione, quod tam e-
xiguus initijs, ad tantam rerum inuestigatio-
nem potuerit peruenire. *Te potius Illustriss:*
PRINCEPS Tuamq; quisq; miretur industriam,
qui orbi admirandam, sæculis prædicandam, cælo
risendam, ad scribendum materiam suscepisti: atq;
*Historiæ Tuæ cultu perraro, veritateque manife-
sta, ad immortalitatem dotes, miracula, & benefi-*

Rodol-
phus A.
gricola
lib. I. c. II

cia **VIRGINIS** Deiparæ preparasti. Quis pie-
 tatem & nitorem iunxit aptius? quis facilitatem &
 acumen ingeniosius? Multi verba habent, sensus
 deficiunt; multi sensum verbis inuoluunt. Pau-
 cos etiam argumenti dignitas euehit. Tu Illustriss:
PRINCEPS, subtilis & simul pius, ingeniosus &
 grauis; quia miracula pietati, ingenium veritati,
 singulas virginis laudibus consecrasti dotes. In tem-
 plis Oratorum vocem, in terrarum orbe stylum ho-
 mines admirantur. Ornas templa, imples Sarma-
 ticum orbem, doces omnes cultum virginis illibate.
 Quæ scribis, vim ac maiestatem habent orationis:
 quæ probas, elegantiam & maturitatem veritatis.
 Festinent dies, voluantur anni, tabescat natura;
 hoc volumen quod celebrat laudes Virginis castis-
 simæ, superabit ætates, non mutabit formam, secu-
 la non exhorrescet. Quæ Cælorum **REGINA**
 prædicatur libro, non poterit nisi cum Cælo perire.
 vel si Cælum sempiternum est, inter sydera, pio
 stylo scriptus liber conquiescet. ad gloriam virginis,
 ad voluptatem Cælestium Incolarum. Quos etiam
 Orationibus, quas religiosa Cæloq. consecratæ, of-
 ferunt

ferunt animæ, quotidie veneraris. non magis sty-
lo, quàm Spiritu facundus. Nam ad ordinem re-
rum quod attinet: horas diligentia, menses labore,
annos industria æquasti; singula dierum momenta,
singula temporum puncta, cogitatione præoccupasti,
prudencia ordinasti, celeritate inuastisti, ne ullum si-
ne pietatis Spiritu flueret atque fructu. Labor
in nego-
tiis Tempo-
ris quidem cursum inhibere potest nemo, sed ætate,
nisi qui fruitur, utitur. Utitur autem, qui per e-
xercitium pietatis, operæ precium facit. Est enim
natiua quedam omnibus adiacens vis, quâ cuncta in
destinatum, debitumque naturæ feruntur opus. Quæ-
ippe author ille rerum, non segne quicquam, aut sine
usu esse voluit, sed cuncta ut essent in officio, cer-
tumque ad finem tenderent destinata, effecit. Si-
miles nos sibi quoque natura esse voluit. Diligen-
tissima est illa mater nostra: sed sine motu, nihil
gignit, nihil perficit. Ita cum utrumque agit, in
neutro tamen cessat. Si posset enim cessare, pos-
set non esse. Nunc agendo semper aliquid, omnia
constituit, se tuetur & vindicat ab occasu. Illi
quisquis est dissimilis cessat ab officio. Ut enim mo-

tu sublato natura non est amplius: ita generosus a-
nimus, otio non torpescit, sed perit. Teste cælo de-
sidiosus est, quisquis errantes illos, supra se globos
otiosus intuetur. At hunc ego non hominem esse,
sed mortis mancipium puto. Fortibus Viris, hoc
uno nomine maximè mors gravis est, quod in ea
quiescendum sit. Quamquam virtutis laboriosos
Conatus, etiam mortui in sua posteritate promoueant,
et ipsi uiuant immortales. Ut in Te Illustriss:
PRINCEPS *Parentes, Maioresq, Tui, meritis*
amplissimi viuunt omnes, quorum ingentem imita-
tione virtutum gloriam effinxisti. Inde manifestâ
Numinis prouidentiâ, Rex prudentissimus æquè ac
optimus, perspectâ mentis cælestis sagacitate, vitæq,
constantia, Te potissimum Illustriss: PRIN-
CEPS, *in partem Curarum assumpsit, Teq, Co-*
mitem itineris et negotiorum moderatorem, Sereniss:
VLADISLAO PRINCIPI, *ad exte-*
ras nationes designauit. Neque enim fas erat,
ut noster Achilles Sarmaticus, absente Chyrone pe-
regrinaretur. Certissimum est fauoris cælestis ar-
gumentum successus, nec potiore indicio quàm secun-
do

Inexten-
 sas nati-
 ones
 nec cum
 Sereniss
 VLAD:
 peregrin-
 natio.

do gestorum euentu, se prudentes viri commendant.
*Quam insignis enim illius Comitatus, apud omnes
fuerit fama? quanta grauitatis, temperantiæ, pie-
tatis existimatio? quantus Sereniss: PRINCI-
PIS honor & admiratio? quanta Tua Illustriss:
PRINCEPS prudentia & auctoritas? mani-
festis vocibus exterorum comprobatum est. Fæli-
cibus igitur auspicijs, Tuæ fidei creditum & com-
missum, maximum & sanctissimum Reip. pignus,
spem Regni, nominis Poloni lumen clarissimum,
Sereniss: Principem omni custodia, cautione, consi-
lio, prudentia ubiq; communiuisti, sospes sospitem
Patriæ restituisti. Tantis igitur meritorum ac-
cessionibus illustratus, vt simul in patriam redijsti,
in lucem Te Reip. dedisti, industriam Tuam com-
munibus vsibus Reip. accommodasti: aulam, Rostra,
Senatum, ingenio, industriâ, gratia, firmasti, lustra-
sti, occupasti: vt nihil amplius requisuisse potue-
rint, futuri Magistratus. Adiunxisti enim pu-
blicis honoribus, illas dotes pulcherrimas, quas par-
tim ab exemplis Maiorum, partim à natura, par-
tim ob optima institutione, & literis percepisti. Non
in Te*

in Tē Illustriss: PRINCEPS, Socrates inter-
 num imperium, Pittacus concordem amicitiam, Xe-
 nophon prudentiam & laborem, Anacharsis sapi-
 entiam, Diotimus ardentissimam erga Patriam
 pietatem desideravit, quibus bonis iam ante abunda-
 sti, quā ad Remp. accessisti. Itaq; iudicio gravissi-
 mo & maximo, prudentissimi Regis D. SIGIS.
 III. tantum honorem consecutus es, quantum am-
 bitiosi vix impetrant. Ornatus es Præfecturis
 amplissimis, in Lithuania Pinscen: in Samogitia
 Caunen: in Prussia Mæuen: ut in omnibus par-
 tibus Reipub. insignis Tuae pietatis, prudentie,
 fortitudinis, clarissima extarent argumenta. Quā
 saluberrimo enim consilio in Pinscen: fidelissimos
 operarios, PP. Soc. Iesu induxeris, beneficijs au-
 xeris, Collegio ornatissimo firmâris, exitus compro-
 bavit. Videtur enim iam ex illis locis pulsa bar-
 baries, ignorantia extincta, propagata humanitas,
 inducta denique amenior cultura morum, ingenio-
 rum, sanctitatis. Tam citò Illustriss: PRIN-
 CEPS, rigidas illas & aridas regiones, Tuo be-
 neficio, saluberrimus cœlestis institutionis imber ir-
 riga-

Præf-
 cturæ

Coll.
 Pinscen.
 3. 1

rigauit, ut fructus producti vberrimi, floreat ad
 Patriæ, Ecclesiæ, & Tuum solatium. Præfetu-
 ra verò Caunen: quanquam maxima beneficia a-
 gnoscat, sperare tamen non dubitat amplissima,
 conscia Tuae benignitatis, quâ semper proficis. Cir-
 ca Mænam quis Conatus? quæ Tua industria? quis
 ardor animi? cum audacissimus hospes instaret,
 Prussiam inuaderet, in aciem militem educeret, nec
 solum aperto Marte pugnaret, sed etiam illis cuni-
 culis, quos à manibus ad animos verterat, blandi-
 tijs, veniâ, muneribus? & illi Mænenses, & fortis-
 simi Patriæ Ciues, experti sunt. Mitto ceteras
 Tuas expeditiones, mitto prælia cum Moscho, mit-
 to rigidi Martis exercitia, speciminaq; quæ Iuuenis
 in Melitensi palæstra exhibuisti, & in Patriam in-
 tulisti, religiosi etiam instituti bellator futurus, nisi
 Familiæ retinendæ, ac conseruandæ cœgisset neces-
 sitas, Te istam sequi vitæ rationem, quâ immortâ-
 lis esset posteritate Respub. Venio nunc ad laborio-
 sissimos & grauissimos Tuos Magistratus Illustriss:
 PRINCEPS, in quibus summa cum nominis glo-
 ria, consilium, fidem, sapientiam, ceterasque insi-

Prussicū
 bellum
 cum Gu-
 stauro

gues virtutes exprompsisti. Nam primum PRO-
CANCELLARIUS M. D. L. maximo Re-
gis Prudentissimi D. SIGISMVNDI III. iu-
dicio, & omnium summa gratulatione designatus,
quid non egisti, quod ad communem utilitatem con-
servandam spectaret? quantum fortunæ, & gloriæ
Tuae amplitudinem, miserorum hominum necessi-
tati, atq. saluticondonares, quis ignorat? Hoc qui-
dem munus illustre in Rep. in cuius tutela salus, &
libertas omnium Civium continetur; at ex ipsis mo-
lestijs, curis, angoribus contextum! Ille ne aliquam
libertatis diminutionem Ordo quispiam patiatur, di-
fficere: ille Euripum popularis multitudinis, in tot
affectus identidem assurgentem prudentiâ tenere:
ille iudiciorum omnium lites, rixas, contentiones gra-
uissimas & maximas, excipere, concoquere, sedare:
ille quibuscunq. diversorum hominum postulationi-
bus respondere. Dicam breviter. Procancella-
rius omnibus debet esse omnia, & singulis singula-
ris. Divino quodam præditus sit iudicio, ille Se-
nator est necesse, cui tanta negotia curæ, ut manum,
cor, mentem, Principis, Civiumq. suorum teneat?
Quod

Quod munus tam difficile, tam arduum, quis alius nisi diuinus Orator, & summis studijs exercitatus Ciuis explere potest? Expleuisti Tu Illustriss: PRINCEPS, atque res illas varias, infinitas, distractas, ita continenter vt alienas, ita diligenter, vt Tuas, ita religiosè & sanctè, vt publicas tractasti. Nemo erat verus Ciuis Patriæ, qui Te impenso studio, non prosequeretur, nemo qui non meritis ornaret præconijs, ob summam vim eloquentiæ, vsum prudentiæ, humanitatis dignitatem. Quas quidem etiam virtutes, in Supremum M. D. L. CANCELLARIUM cooptatus, summo honori consecrasti, vt Te vno, tanquam Athlante Respub. niti videretur. Est enim hic Magistratus ara iustitiæ, arx libertatis, Areopagus equitatis; in quo legum patrocinium, cura salutis & incolumitatis publicæ suscipitur. At tamen in tanto negotiorum tumultu, nemo asperiores Tuum vultum accusauit, nemo de aditu difficiliore conquestus est. Admittis enim omnes sine molestia, sine supercilio, non in ædes tantum Tuas, sed & in animum. Nihil celas, nihil suspicaris, nihil dissimulas, qui ma-

simus innocentie, candoris, veritatis, fructus est.
Cum nemo bene de omnibus sentire possit, quam qui
optimus est. Nemo fraudem suspicari, nisi qui fa-
ciat. Nemo scelus dissimulare, nisi qui fucum non
odit. Scilicet non es nescius tantam Tibi esse in
eo iudiciorum campo potestatem, quantam lex por-
rigit, non quantam aliena cupiditas exposcit. A-
gnoscent omnes Tribunal Tuum, esse scopulum ne-
fariorum hominum, commune asyllum innocentum,
pietatis, Consilij, libertatis officinam. Hic Tu li-
benter oppressis, auxiliatricem porrigis manum, e-
rigis afflictos, retines homines calamitosos in patro-
cinio, das miseris salutem. Multos illustri gratia,
multos beneficio, multos prompto salubriq; consilio
iuvas, multos exbilaras potenti consolatione. Ni-
mirum ut Sol ille splendidissimus Caeli ocellus, fons
lucis inexhaustus, nitidi luminis fenerator, radijs
suis, non superiores tantum orbes, sed hunc quoque
infimum terrarum ambitum illustrat: semina gene-
rationis rebus in omnibus fouet, & promouet: fru-
ctus vberimos, in agris, campis, montibus, arbori-
bus, metalla deniq; in terre visceribus excitat &
produ-

producit. Sic sublimis Tuus & heroicus animus, ad
 communis boni propagationem, diuino beneficio Caelo
 demissus, sine fastidio infimorum etiam hominum,
 curat negotia: demittitq. se frequenter & libenter,
 ex summo honoris fastigio, ut agnoscat pauperum
 iniurias, & imbellem plebeculam, ab iniquorum præ-
 datorum laceratione tueatur. Non valet apud
 Te Illustriss: PRINCEPS muneribus quesita
 gratia, sed descripta legibus equitatis; non illustre
 genus, sed probata virtus, habet locum. Nosti quam-
 tum amicis, quantum vicinis, quantum legibus, &
 communi bono concedendum sit. Ergo quâ exhi-
 larasti pietate Senatum, Academicas etiam Musas
 refecisti, cum Coloniæ Olicensem excitasti Illustriss:
 PRINCEPS. Vbi liberalitas melius poni potest,
 quàm vbi immortalitas emitur? Vbi fœnus boni-
 tatis feliciter exerceri, quàm vbi sapientia domina-
 tur, innocentia viget, colitur Religio, propagatur
 Iustitia, sanctitas, fides? Quo quis latius domina-
 tur, patentius gloriæ theatrum, vbi virtutem exer-
 ceat, habet. Quo quis latius patet ad fortunæ
 fauorem, eò magis respicere debet ad immortalita-

Colonia
 Acad in
 Olicæ

tem, atq; cogitare, quàm angustis terminis huma-
na sit vita circumsepta. Non illum graues auri
crustæ, quæ in tenebris delitescunt, fecerint imme-
morem fragilitatis, sed vsus. Sæpe in imum sum-
ma decidunt. Ingentes diuitiæ sine cultura eua-
nesunt. Despicit ruinas, æterna providentiæ secu-
ritas, quæ in sapientiam beneficium locat; & ad alie-
nos casus securæ suæ non exhorrescit. Vincit etatē, su-
perat sæcula, durat ad immortalitatē. Hæc celebrat
magnificentiam, hæc animi magnitudinem commen-
dat: & eò maiora semper accipit incrementa gloriæ,
quò longius traducta fuerit in posterorum memori-
am. Vt VLADISLAO IAGELLONI, im-
mortalem attulit laudem, hoc erectum Prytaneum,
ut Rozrazeuijs, Lubranscijs, Opalinijs, Za-
moscijs excitata Lycæa: Te quoque Illustriss:
PRINCEPS, Fratremq; Tuum Illustriss: ALE-
XANDRVM LVDOVICVM, memorie
dabit, magnitudo beneficij, quod in Musarum cul-
tores præstitistis. Egregio exempli honore in li-
beralitatē, iunxistis manus: et quam à literis im-
mortalitatem accepistis, eandem sacris studijs red-
didi.

Colonia
Acade-
mica in
Biala.

didistis. Castor quidem & Pollux alternis vicibus oriuntur nautis; vos pulcherrima Sydera simul in hoc Sarmatico Caelo lucetis, ad sempiternum Parnassi solatium. Sibi tenebras imputet iacens virtus, quæ non obtulit suum vobis obsequium: quod Conscientiæ Vestræ sufficit, honorati sunt, qui probati. Nec vereor cum hæc commemoro, ne in scopulum invidiæ incurram. Nosti genium Academiæ Illustriss. PRINCEPS, neq. illa didicit adulari, neq. potest. Sed Tuae tamen gratulatur felicitati, quod ab eius fontibus, cum literis pietatem hauseris, illasq. tot æternas dotes, quas Tuum toties in usum, & Reipub. lucem deprompsisti. Gaudet & letatur hæc bonorum altrix ingeniorum, quod eodem tempore Te M.D.L. prudentissimum CANCELLARIUM, Patria fortissimum Ciuem, Ecclesia vigilantissimum suæ dignitatis vindicem, Senatus æquitatis arbitrum, & legum grauiissimum possit appellare Dictatorem. Quas in Senatu promissas sententias, sunt Sapientiæ oracula. quas pro Religione suscipis vigilas, & labores, sunt sanctitatis miracula. quæ in summo Cancellariatu.

statuis decreta, sunt iustiora quam Areopagi edicta. que in Academiam fundis beneficia, magnificentie sunt exempla, apud omnem posteritatem predicanda. Nam que ante squallore & ignorantie frigore obriguerunt regiones, nunc Tua beneficentia & fauore, accipiunt humanitatis Spiritum, & ad serenam pietatis auram gestiunt ac incallescunt. Nouus es illis in terris Prometheus qui ex rudi argilla, tam formosi simulachra fixisti, illisq; celesti ab igne vitam inspirasti cultiorem. Quamquam verò hæc beneficia plena sint lætitiæ & gloriæ, non tamen illa nos nobis, neq; nostris laboriosis operarijs, sed heroico potius animo Tuo adscribimus. Tuâ liberalitate viuunt, Tuâ beneuolentiâ proficiunt: quia Tu præes illis, & prodes, quod maximum magni PRINCIPIS Symbolum est. Exiguum sanè quiddam fuit quod nos aliquando præstitimus Tibi Illustriss: PRINCEPS. Tu verò hereditario bono potens, memor Academicæ institutionis, memor indolis, munificentio-rem erga nos gratiam, quam vel vnquam sperare, vel optare potuimus probasti. Nouum pietatis

is decus excogitasti, ut etiam rudes homines Tuo
beneficio saperent! quod miraculum, Illustriss:
Dñus STANISLAUS KONIECPOLSKI
Supremus Exercituum Dux, Castell: Cracouiē:
admiratus ē nostro quoq; Parnasso Musas in Bro-
densē Coloniam, magnificis muneribus euocavit. O
singulare utriusque pietatis pignus. Quorum olim
in corde ruditas, in mente stupor, in lingua barba-
ries hærebat, eorum nunc in animis ingeniorum a-
menitas, morum suauitas, eloquentiæ & eruditionis
amplitudo propagatur, excitatur. Magna semper
fuit Illustriss: RADIVILLIÆ Domus erga no-
stram Academiā propensio, singularis fauor, e-
gregia voluntas ac benevolentia, quam vestri Maio-
res illustri Consilio, authoritate, fide, in Comitijis, in
Senatu, in Regno, memores liberæ & liberalis in-
stitutionis, eidentibus & nimium quam propensis
comprobarunt argumentis, Sed vos Illust: Principes
maximè rarissimis exemplis, ad eius commoda au-
genda & amplificanda conspirastis. Nam & gu-
stum solidæ gloriæ tenetis, & genium veræ fouētis e-
ruditionis. Non alios Clientes in summa dignita-

Acad:
Colonia
Brodna:

H

te ha.

te habetis, quàm aut Plato, aut Aristoteles, cete-
 raq; immortales illæ animæ, quæ ad communem v-
 sum sub Academiæ umbraculis, & Lycei viridarijs
 scientias educarunt. Iam illud otium, quod In-
 stitutum indulgere solet, quis unquam melius, quàm
 vos impendit? Nam quoties, à Senatu seceditis,
 cum libris versari soletis, ut Scipiones Sarmatici nun-
 quam sitis minus otiosi, quàm cum estis otiosi. Red-
 de aliquando luci Illustriss: PRINCEPS Tuos
 Annales, & pressam tot ab annis docto pollice Hi-
 storiam. Tam enim reliquos mortales eruditione &
 eloquentiæ maiestate: quàm fortune amplitudine an-
 tecellis. Scilicet prostratis ab omnibus partibus
 hostibus, dissipatis æmulis, ultima restabat superan-
 da obliuio. Ergo Tu vindici stylo, quem in san-
 guine perduellium tinxisti, magis adhuc apud po-
 steritatem triumphaturus, gloriam rerum gestarum
 promoues, victricesq; Coronas bellatorum, ne tempo-
 ris volubilitate disfluant, vel emarcescant, recentì
 eternitatis famâ recreas, ac reficis. Equidem non
 armis sæpius, quàm facundiâ, cum futuri temporis
 immensitate, in hac breuitate vitæ, decertandum
 est.

Annales
 Illustriss.

est. Quo magis certi sumus ac securi, pietatis Tuae hereditatem, aeternum victuram, qui non tantum Herculis exuvias, & Palladis galleam iunxisti, sed etiam Musas collatis stipendijs, novum in Parnasum evocasti; ut amicas virtuti, vitijs inimicas artes, in complexu, oculis, auribus, praesto semper habeas. Nullus hic ambitioso silentio profitetur eloquentiam Harpocrates. Omnium labores pari successu gaudent, & fructu. Nemo bonae famae conscius, famem sentit Professor. Nulla impatiens iniuriae vox, aduersus auaritiam Daphnonis perstreptit. Valeant nubes, si Soli Daphnoni emittunt aquas. Non simulatione obfuscatur equitas, sed promouetur fide, publicis ornatur praemijs laboriosa industria. Quae in officina pietatis nascuntur lucubrationes, bonis auspicijs erumpunt in lucem. Summa cum voluptate legimus, illa pulcherrima ingeniorum specimina, illas laudes, Orationes, Poëmata; illas sacras aedes, quas eruditus genius, cupressino delineatas carbone, in solido aeternitatis solo inaedificauit. Quid ego hic Illustriss: olim Principis REGINÆ ab EISENREICH, prioris

H ij

Tuae

Theo-
phrastus

Adm.
pend.
Ioan: La-
ski
Can: Oli-
cen Ora-
ratio
funeris

Tuae Coniugis laudes virtutesq; commemorem? quas
illa benigno pietatis nexu copulauit, & adstrinxit?
Nam quamuis, nunc illius non omnes virtutes (quæ
sunt innumerabiles) proferre possim, illud tamen
de Illustriss: illa Ducissa scio, quod de Te Illustriss:
Dux didici. Cuius in animo vna virtus adsit,
illic omnes adesse. Testantur illius pariterque
Tuam pietatem Monasteria religiosissima, Collegia
Sacerdotum munificentia clarissima, & illa pran-
dia Olicensia, qualibet feriâ quintâ pauperibus ap-
posita. Testatur vitæ austeritas, animi submissio,
feruentissima deuotio, singularis humanitas, vasa
deniq; non tantum argentea, sed etiam aurea pluri-
ma, cæteraq; pretiosa supellex, pio voto, ornamentis
templorum destinata. Scilicet rapitur ad similitu-
dinem sui, diuinitatis particeps spiritus, & concen-
tum virtutum, concordæ animæ spontè resonant:
quod quidem certissimum est cælestis benignitatis ar-
gumentum. Fauent igitur & fauebunt Tibi Ilstr:
PRINCEPS propitij Indigetes, qui Te è Domo
LVBOMIRSCIA meritis amplissimâ, sponsâ
lectissimâ beaurunt. nec astra confundent lætitiâ

quæ

quæ benigno favore suo consenserunt in serenitatem,
 festoque Tuo nuptiali post summos æstus, imbre
 placidissimo terram irrigarunt, auramq; totius di-
 ei reddiderunt temperatam. Ita vel ipse gentiliti-
 us (ut puto) fluuius, officiosas cœgit nubes in gra-
 tiam Nymphae, & Tui. Sed ego inter fluuios or-
 bis vniuersi, **SRENIA WÆ** maxime diuitias ac
 miracula, iam ante contemplatus sum. Ut placido
 amenoque alueo Polonum reficiat fundum, ut syl-
 uestria animalia recreet, ut quietem Patriæ secu-
 ritatemque conciliet, ut denique formosas Naiadas,
 Dijs Nemorum donet ad solatium! Nunc hæc sin-
 gula recensere, aut ambitiosi ostentatoris, aut ho-
 minis nimium quam otiosi puto. Apprimè enim
 operosum est in præterita sæcula industriam mitte-
 re curiosam, cum hanc rerum gestarum gloriam,
 quæ ferit omnium oculos ac perstringit, suo sæculo non
 facile quisquam possit irretortis oculis intueri. Pi-
 etatem quispiam in Patriam desiderat, hanc Illu-
 striss: **STANISLAUS LVBOMIERSCI-**
VS (qui nunc Palatinus & Generalis Cracoui-
 iudicio Sereniss. **VLADISLAI IV.** Domini no-


in mea
 Srenia-
 wa Nale-
 ciana


stri clementiss: renuntiatus est) eximius triumphator hostium victricibus armis comprobavit. Pietatem erga Principes atque fidem? at harum virtutum, in summa Reipub. tempestate, clarissima semper eluxerunt argumenta. Pietatem in Deum? hanc templa Sanctissima, Monasteria religiosissima, atque haec ipsa VISNICA Basilica Salvatoris, opere magnifica, structura visenda, omni splendore ornamentorum conspicienda ostentat & deprecatur. Vbi victoriam opimamq; spolia de immanissimo Osmano, Religiosissima PP. CARMELITARVM Familia, aeternis gratiarum actionibus decantat. Ergo secunda meritorum, & gloria, Illustriss: Patris sui, Tua Sponsa Illustriss: PRINCEPS, sterilitatem prioris Coniugis, fecunditate compensabit. Filios dabit, qui Nicolai I. frugalitatem & fortitudinem, Nicolai II. felicitatem & magnificentiam, Nicolai III. probitatem & magnanimitatem, Georgij & Ioannis sapientiam & fortunam, Nicolai IV. rerum gestarum gloriam, Georgij, Alberti, Stanislai, prudentiam & splendorem, Nicolai V. animi submissionem, beneficentiam,

tiam, sanctitatem, Aui alterius gravitatem & In-
stitutam, alterius excelsum animum, Patru eruditi-
onem, Tuam verò quâ omnes omnium temperasti
dotes, effingant heroicam indolem & naturam.
Hoc vouemus, hoc precamur, vigeat **RADI-**
VILLIA & LVBOMIERSCIA Domus, fæ-
lici fœdere Cognationis copulata; & vtriusq; Filij,
seriq; nepotes, ad Dei gloriam, Patriæ præsidium,
Ecclesiæ Catholicæ decus, pietatis benignissimo ro-
re nutriantur. Ergo hætenus in vestra tutela Il-
lustriss: Senatores, latebant fortune subditorum, in
vestro præsidio res mortalium acquiescebant, vestra
virtute muniebantur, authoritate conseruabantur
Lyceæ Musarum: Nunc verò acriori studio pro-
mouenda Religio, libertas Patriæ & Ecclesiæ tu-
enda, comprimenda iniquitas, cœercenda Schisma-
ta, Hæresis profliganda, postquam Sacro Cognati-
onis fœdere, gentilitia decora meritaque propagata
sunt. Antea contenta patrijs fluxit alueis **SRENIA**
VA, Superiori anno maiorem Poloniam, hoc felici
verò Coniugio *M. D. L.* irrigauit. Ergo qui tantū
de vestris Ciuibus maxime solliciti fuistis, nunc de v-
trius-

triusq. Gentis populis, studium suscipere debetis. Et
cum omnes plagas Orbis Sarmatici, mentis acie circum
spexeritis, huc quoque ad nos dirigite vestros oculos,
in quibus ipsa sessitat humanitas. Vestra liberalita-
te multi in locis recentes pietatis rivi sunt excitati,
sed & fontem ipsum, qui propinat aquas salutare, Co-
ronate. Nos verò custodes & incolæ fontis, literis,
ingenijs, vocibus, vestram heroicam aeternam grati
propagabimus munificentiam; atque adeo nostros
Præstitos, Indigetesque Cœlestes orabimus, ut tri-
usque Familie propitij semper sospitent progeniem.
Ergo summus immortalisque Deus, qui huius Sacri
Coniugij fatali providentiâ inceptor & perfector est,
Consilia vestra dirigat, actiones fortunet, benedictio-
nibus impleat, felices & beatos, & vigentes, Eccle-
siae suae, Reip. Christianae, literis Academicis,
nostroque Minori (in hac temporum
iniquitate & rerum omnium difficultate)
Collegio, & mihi qui vestrum prom-
ptus in obsequium vivo, seruet,
foueat, taceatur.

DIXI






11. 3



848864 Bibliotheca 28 000,-
P.P. Camaldulensium in Bielany

Depozyt w Bibliotece Jagiellońskiej



03947

K.VI.6

